

Made Suweta Aryawan

TRESNANĒ MABUNGA MATI

Kumpulan Puisi Bali

3
51 11
Y

BALAI BAHASA PROVINSI BALI
KEMENTERIAN PENDIDIKAN DAN KEBUDAYAAN
2012

OK

TRESNANĒ MABUNGA MATI

Kumpulan Puisi Bali



00004702

Made Suweta Aryawan



**BALAI BAHASA PROVINSI BALI
KEMENTERIAN PENDIDIKAN DAN KEBUDAYAAN
2012**

TRESNANĒ MABUNGA MATI

Kumpulan Puisi Bali

Penanggung Jawab

Kepala Badan Pengembangan dan Pembinaan Bahasa

Pengarah

Dra. Yeyen Maryani, M.Hum.

Penulis

Made Suweta Aryawan

Penyunting

Ida Bagus Ketut Maha Indra

Cetakan I: 2012

Penerbit

Balai Bahasa Provinsi Bali

Jalan Trengguli I/20 Tembau Denpasar 80238,

Telepon 0361 461714, Faksimile 0361 463656

Pos-el: balaibahasa_denpasar@yahoo.co.id

Dicetak oleh

Kanwa Publisher

Griya Sekawan No. 1, Rt 03 Rw 20, Mudal, Sariharjo
Ngaglik, Sleman, Yogyakarta, Telepon (0274) 9598986

e-mail: kanwapublisher@yahoo.co.id

ISBN: 978-979-069-107-0

899-26111
A R Y
PB
KASASI
No. Induk: 163
Tgl. : 30-11-2013
Ttd. :
BALAI BAHASA PROVINSI BALI

KATA PENGANTAR

Kepala Badan Pengembangan dan Pembinaan Bahasa

Berbicara tentang sastra sesungguhnya memiliki nilai yang penting. Namun, sesuatu yang penting tersebut hanya dibicarakan oleh kalangan atau komunitas yang sangat terbatas. Setidaknya inilah yang masih mewarnai kehidupan bersastra sampai saat ini. Orang sering berbicara tentang nilai, norma, etika, dan konteks sosial budaya yang dikandung sastra. Akan tetapi, sastra masih saja hanya diminati oleh kalangan tertentu. Mungkin bisa dihitung berapa banyak pegiat sastra yang benar-benar “militan” membenamkan dirinya secara total untuk kepentingan sastra. Dalam kondisi seperti itu, memang sastra tidak pernah menjanjikan “nikmat” yang sama seperti yang diberikan oleh pembangunan fisik. Namun, jika kita sadari bahwa hidup adalah perjuangan dalam menempuh ruang dan waktu, sastra adalah teman penting yang setia membimbing perjalanan itu.

Mengingat betapa penting dan perlunya sastra itu, kami bersemangat menerbitkan buku *Tresnané Mabunga Mati*. Buku ini merupakan kumpulan puisi Bali karya Made Suweta Aryawan yang berprofesi sebagai guru SMAN 4 Singaraja. Fakta ini penting mengingat banyak siswa sekolah yang tidak pernah mendapat contoh yang nyata tentang menulis. Banyak guru yang mengajar siswanya untuk menulis, tetapi dirinya sendiri tidak pernah sanggup menulis. Buku ini berisi enam puluh delapan buah puisi dengan topik yang mencerminkan warna lokal Bali.

Penerbitan buku ini sebagai salah satu wujud penghargaan kepada Bapak Made Suweta Aryawan atas karyanya selama ini. Kami menyampaikan terima kasih kepada penyunting naskah dan staf yang telah bekerja sepenuhnya dalam penerbitan ini.

Mudah-mudahan terbitan ini dapat bermanfaat, setidak-tidaknya dapat dijadikan acuan atau pembanding bagi pemerhati sastra untuk memacu lebih giat berkarya.

Jakarta, Oktober 2012
Prof. Dr. Mahsun, M.S.

PURWAKA

Om Awgnam Astu

Pinih rihin titiang ngaturang pangayu bagia majeng ring Ida Sang Hyang Widi Wasa santukan titiang sampun presida ngaripta pupulan puisi sané mamurda” TRESNANĒ MABUNGA MATI“. Kawéntenan pupulan puisi puniki antuk titiang nuptupang damuh tengai sané nyantul ring muncuk sarin keneh titiang, sané meliah ngedut-ngedut manah nundén nuptupang apang dadi puisi sané murdain titiang “ Tresnané Mabunga Mati”

Sané kamungganghang ring pupulan puisi puniki utawi sané dados angkian wantah pemargin kedutan manah ida dané ring masyarakat tua bajang cerik kelih lan para pangénter jagat sané maurab suka duka sadina-dina. Nika sané tuptupang titiang maka pamungah manah pusang sing karoan tongos aon pules magaleng sedih masaput sakit ati salantang lemah.

Yan pautang ring pakaryan sang Rakawi minab tan wénten pikenohné riptan titiang puniki santukan banget doh wigunanné. Diastu asapunika titiang banget rumasa subagia, santukan titiang sampun presida nutug pamargin sang sané sampun pascad. Antuk punika, patut pisan titiang ring tepengané mangkin ngaturang parama suksma marep ring Bapak Kepala Balai Bahasa Provinsi Bali sané tulus asih nekéng toas ngicén ketélan wacana. Bapak Made Purwa, Bapak Ida Bagus Maha Indra sané ngicén pamargi luh taler ibu bapak sané lianan ring Balai Bahasa sané tulus sareng ngastitiang

jantos presida pupulan puisi puniki majantenan. Tan lali taler Ida dané sawitran titiang sané sampun lapah miles susastra ring dija kapo magenah banget suksma.

Pangaptin titiang dumogi reriptan titiang puniki wénten pikenohné marep ring para sisia, para guru, mahasiswa taler ring para pamilet sastra gumanti ngajegang budaya Bali ka pungkur.

Inggih asapunika atur titiang dumogi Ida Sang Hyang Widi Wasa ngicén panugrahan lan pamargi sané pinih becik marep ring iraga sareng sami. Suksma!

Om, Santi, Santi, Santi, Om.

Singaraja, 2 November 2012.

Atur subaktin titiang

Pangripta,

Made Suweta Aryawan

Persembahan

Cakepan ouniki kaaturang
Pertama, ring Ida Ketut Jelantik, Ida Kade Aseman,
Guru Made Arsa, Wayan Dangin,
Kaki Nyoman Badung
----sami sampun nyunia loka-----
Maha Guru Satya Sai Baba, almarhum
Maha Guru Ching Hai Maha Pengasih Kaping kalih ring
Meme Ketut Rening, Bapa Nyoman Geloh
Meme bapan titiang sané sampun maraga angin
Kaping tiga ring Somah pianak lan mantun titiang sané ajak
natakin panes tis
Made Winingsih, S.Pd, Putu Wahyu Mulyadi Aryawan S.P.,
Made Lely Supriatni, S.S., Made Arya Citrakusuma, Nyoman Sri
Mega Suartini, S.E. Kadek Juliantara Putu Iswara Wijaya Kusuma
(Vije) Made Ayu Satya Sumadi (Dek Tia) Putu Wahyu Sekarpika
Juliantara
-----para cucu-----

Taler sawitran-sawitran titian
Sané ngicén keliahahan idep ning galang
Sri Werdi Arini, Sutarini, Suartini
Aryani, Leony
Sukening

DAFTAR ISI

HALAMAN JUDUL ~ i
KATA PENGANTAR KEPALA BADAN PENGEMBANGAN DAN PEMBINAAN BAHASA ~ iii
PURWAKA ~ v
PERSEMBAHAN ~ vii
DAFTAR ISI ~ viii
Tresna Maguyang Makayang Kayang ~ 1
Kepung Lawat Bulan Kepangan ~ 3
Sebeng Dewa ~ 5
Bojog ~ 7
Gendingang Keneh Sungsang ~ 9
Gook Indria ~ 11
Ngepung Lawat Uyang ~ 13
Tresnan Beli Pegat Adi ~ 15
Las Carya ~ 17
Jalan Sayangang ~ 19
Ngipi Makudung Langit ~ 21
Ampehang Lawat Bulan ~ 23
Sekare Ngenyudang Rasa ~ 25
Langite Masaput Sayong ~ 27
Ngepung Lawat Nyuh Bulan ~ 29
Sampi ~ 31
Nampah Gerang ~ 33
Berag Majumu ~ 35

Dagang Kecap Kecap ~	37
G e b u h ~	39
Tresna Bali ~	42
Idupe Jengah Nginyah ~	44
Ngebekin Pasih ~	46
Bebek Putih Jambul ~	48
Dadong Jagal ~	50
Engsap ~	52
Sundih ~	54
Grubug Agung ~	56
Bali Balu ~	58
Kutang Pedalem ~	60
Suwung Sima ~	62
Gentong Puyung ~	64
Panemaya ~	66
Satua puyung ~	68
Topeng Bangka ~	70
Bedag Poleng ~	72
Lading Desa ~	74
Ibing Cicing ~	76
Dedalu ~	78
Entud Berud ~	80
Tangkeb Ongkeb ~	82
Idupe Sing Mabunga ~	84
Kunang kunang kepupungan ~	86
Sarigket Bunga ~	88
Bogbog Ajum ~	90
Kacang Lindung ~	92

- Jukut Balung ~ 94
Enggung Makalung Bingung ~ 96
Lawar Munyi ~ 99
Topeng Kepupungan ~ 101
Kacut Tengulun ~ 103
Bikul ~ 105
Pepengkah Motah Ngamah ~ 107
Ngepung Nau ~ 109
Bojog Ujanan ~ 111
Kemaruk ~ 113
Ngocek Pitik Doglagan ~ 115
Nunas Ica ~ 117
Layu Mekipu ~ 119
Bakti Sujati ~ 121
Degag Dagdag ~ 123
Megarang Negarang Cungik ~ 125
Da Perentah Rasa ~ 127
Tresnane Mabunga Mati ~ 129
Lengar Tebek Dui ~ 131
Cicing Caru ~ 133
Gumine Sepi ~ 135
Jangkrik Dopleng ~ 137

INDIK PANGRIPTA ~ 139

TRESNA MAGUYANG MAKAYANG KAYANG

Tresnan adi
Nelekep di muncuk alis adi
Meliah nuluh bucun peninggalan
Mengkeb di sujénan pipin adi
ngudiang demit makenyir
Ngetél poos beli
edot ngadab keneh adi
Liang idepé
Galang kenehé
Néjani ujan
Kerug tatit krébék galak
nguyak keneh beli jengah
Sing sida beli ngelépat
awak beli teteh sedih
aget enu ada ngedékol
Sisan angkian di kekolongan
ento tekek ngisangin beli
Kedeh nundén beli idup
Apang sida nulungin
Entikan tresna sujati
Né nyandah di keneh adi

Beli satia maguyang
Makayang-kayang ngajak adi
Elingang tresnan beli kén adi.

Singaraja, 161107/191009.
Pk. 06.30.
Made Suweta Aryawan
Gang Bumi Indah 19 Pamaron.

KEPUNG LAWAT BULAN KEPANGAN

Rambut selem demdem
Maombak ngayunang manah liang
Ditu tongos ngengkebang sedih
Misadia ngejot liang
Engsap tekén angin suung
Makebir ngaba rasa
Tusing galang

Ada kebitan keneh
Luas ngalih telaga lega
Paak tingalin nanging ejoh dirasa
Wiréh sing tepuk rurung luung
Bengong tiang ngantiang
Tusing ada ngungkab lawang
Alas tusing madurgama
Nanging madinding manah sungsang
Liu ada muncuk nguda
Makelap nundén ngepik ngejuk
Maserana tresna rena

Tiang inguh lacur duur batur
Sing sida matindak
Ngejuk rurung liang
Enyén ajak
Enyén tundén
tiang sing nawang lawang
ngatogor tiang
rebut bingung uyeng uyang
budi tiang matindak
batis kejok keneh liwat
keneh makalangan
kepong lawat bulan
padidi bingung
ngempug puyung.

*****&&&*****

Singaraja, 5-12-09
Pk. 09.30.
Made Suweta Aryawan
Gang Bumi Indah 19 Pamaron

SEBENG DEWA

Cara saja tindakané
Sing ngitung peteng lemah
Mekejang mabasa seken
Masajaang munyi saja
Nanging.....
Cara tain jaran ujanan
Sasih kaulu lingsir sanja
Ampehang angin dingin
Milu ngojarang keneh
Nundén masugi
Apang galang peliaté
Munyin enggung jangih
Ketemplang ketemplung
di pangkung suung mangmung
Kanti rebut buyung
Rejeng ketekung pelung
Saja lutung bingung
Engsap tekén tendas berung
Seken nyakupang lima
Sembah puyung
Ngagen nunas panugrahan

Maserana pongah bregah
Engsap ken déwék sat dedalu
Sasih kelima ujan ngerimis ngiber
Ngalih galang kapid ilang
Payu ngerépé toltol siap semengan
Apa buin nyen agenang
Peragat cara kareé kembungan
Ngigel ngindang ancuk lalang
Ilang.....!!!
apa tawang.....!!!
tulus nyungsang koang-koang

*****&&&*****

Singaraja, 19-1-2010
Pk. 08.00
Made Suweta Aryawan
Gang Bumi Indah 19 Pamaron

BOJOG

Nyeledét
Ngejengit
Gasgas gésgés makecog
Suba beduur makejang ogar
Nuléngék makejang cukcuk
Asal paak sagrep pakpak
Peteng lemah sing rérénan
 Katuju ujan.....!!!
 Nungkuk ngilgilang
 Melalung
 Rejeng rejeng
 di rejengé bingung
 Paling ngalih alingan
Makejang sabsab ungrab
Dikénkéné magending
 Kroak.....
 Kroék.....
 Suba sanja
Matan ai séndéh kauh
 Tekep gulem selem

Enu kejengat kejengit
Sandi kala ujan aon
Makejang saru
Nyaru.....
Ngaku-ngaku
Suba saru
Nyaru ngaku

*****&&&*****

Singaraja, 17-1-2009.
Pk. 10.26.
Made Suweta Aryawan
Gang Bumi Indah 19 Pamaron.

GENDINGANG KENEH SUNGSANG

Yan layu don kayuné
Maka ciri tiang sedih nyakit hati
Magaleng sebet masaput inguh
Ngejuk munyi tresna rengas
di segara batu lanying
Pidan ada angin nau ulap-ulap
Ngajak tiang ngedum liang
Gulem selem matinggah duur sirah
Nguyak manah tiang jengah
Sat ketekung amah sumangah
Kija tiang ngalih rurung élah
Malaibin keneh brusah dapluk jengah
Sebet pesan manah tiang
Elung ngedungklung
Gendingang katak dongkang
Ngoncang,....ngandang ngandang
Sambil ngetis ngidem aris
Ngentungang keneh sungsang
Dija alih keneh liang tiang

Bekbekan.....
Anyudang puruh dongkang.

*****&&*****

Singaraja, 30-1-2010.
Pk. 09.55.
Made Suweta Aryawan
Gang Bumi Indah 19 Pamaron.



GOOK INDRIA

Yan majalan sing karoan keneh
Nepukin alas wayah
Telaga linggah lumutan
di sisinné tumbuh paku liking
Ento koné danu
Lantas madayung negakin pedau
Kanti lima kéképé neenang suit
Siat.....,siut!
Aduh bayuné lempah
Terus ngejohang madayung
Nepukin gook pirata
Ēh, raksasa
Bengong lantas ditu
Wireé goa madurgama
di tengahné ada telaga
Yéhné meliah nyabran sanja
Liu anak nau sing nawang nau
Selid sanja makipu nganteg kabucu
Kelingas kelingus
Bangun nyeruyung masebeng angus

Aduh, sakit luludé
Sakit bangkiangé.....!!!
Lantas pesu kusap-kusap
Pemelin sampi ledis
Pemelin padi amah memedi
Lantas mulih tolah-tolih
Macelana karung
Gasgas-gésgés genit bingung
Kuluk melalung bakat kepung
Kadén anak luh tulung-tulung.

*****&&&*****

Singaraja, 30-10-09
Pk. 16.00.
Made Suweta Aryawan
Gang Bumi Indah 19 Pamaron

NGEPUNG LAWAT UYANG

Yan apa kadén kepunga
Semengan rengas sing masugi
Kanti sepanan nganti celana dalem
Ngepung lawat rengas ngindang
Nulengek pati caplug
Makuug gradag grudug
Ngagen lakar ngepik bunga
Miyik ngalub ngebek ambara
Liu pada maboya
Wireh guminé remuk uwug
Makejang masebeng kenyir saja
Nyeledét ngentungin nau
Ulian tendas puruh saru

Matan ainé saja ngénter
Nanging tebelan gulemé selem
Mabrarakan ngebekin langit
Kanti ilid énteran bintangé
Sing pesan ada angin nulung
Nyampatang ebet sebet ati
Malali makisi-kisi
Nyaruang kenehé mati

Dija keprung punyan nauné
Makejang késkés régés kaput ngéngés
Dija bitbit tongos girangé
Makejang nyelanggang magang
Aruh.....!!!
Bareng buduh aduh-aduh.
Cicing jaruh ngamah bubuh
Ento keprung kanti labuh
Jalan ja suud inguh
Negak matimpuh mitbit pupuh
Apang tepuk ané ruruh
Nuluh munduk unduk
Nuncap gunung pengung
Ditu mara suud
Ngipi malali malali
Jalan gantasang
Suud uyang maguyang.

*****&&&*****

Singaraja, 11-2-2010
Pk. 08.50.
Made Suweta Aryawan

TRESNAN BELI PEGAT ADI

Yan putek yéh pasihé
Maka ciri
Tiang sebet nyakit ati
Entéran aine morbor keneh tiang
Meliah ngebek jagat
Enyén suka
Enyén lega
Ajak ngedum keneh sebet
di muncuk gulem nyisi kauh
Adi ninjo mapayung bingung
Nyaksiang sebet tiang
Adi megat tresnan tiang
Dadian ati
Tan pasama dana
Dija adi mengkeb metangkeb
Sedih tiang nyakit ati
Ngantosang adi dérdér ai
Ngujang adi olas elas
Ngelas tresna ne mapunya
Dini tiang rejeng bingung
Sat ketekung rejeng buyung

Ngidih tulung gumi suung
Peragat pungkak serayang seruyung
Aduh adi.....
Tiang sedih ngantos adi.
Budi asih dija adi
Tiang dini nyakit ati
Adi magedi
26012010
Dija adi
Tiang nyakit ati ngati-ati

***** &&*****

Singaraja, 5-2-2010
Pk. 11.15.
Made Suweta Aryawan
Gang Bumi Indah 19 Pamaron.

LASCARYA

Pajalan tiang
Sat waluya lawat ujanan
Tresnane tan kepariangken
Bintang
Bulan
Matan ai
Sekadi tan lega ring titiang
I kunang-kunang taler kénnten
Ten nau ngénterang sebeng liang

Tiang wantah ngaturang ngayah
Antuk manah lascarya
Wiréh tiang lekad melalung
Minab kayang mati ngaligas

Yen wenten nyen
Sundar galang
Nika wantah paican ida
Titiang lascarya
Tan purun titiang
bregah nunas

napi malih nulak
ida ngawiwenang
dumugi sebeng lan kijapan
matan titiang
presida nyundar galang
wenten pikenohné unukuran
-----dumugi-----
Langité galang
Makayang-kayang.

*****&&*****

Singaraja, 6-5-2010.
Pk. 21.00.
Made Suweta Aryawan
Gang Bumi Indah 19 Pamaron.

JALAN SAYANGANG

Angin ngesir
Mungkah rasa liang
Nyeluksuk ngepik
Muncuk nau
Engsap teken bungan sedih
Mabrarakan
Nyahsah benyah
Pidan ada séla
Milihin munyin rasa
Pejalané kadong cadot
Ampehang sunia bawa.

Katuju,
Sebengé tungkulang bingung
Likad nyemak rasa gelah
Kadong suba liwat
Enyén kajak liang.....??
Yan tusing nawang liang
Enyén kajak sedih.....??
Yan anak pada liang

Jalan lilayang
Apang tusing berag mecadang.

-----suar-----

Singaraja, 10-09-03.

Pk. 15.45.

Made Suweta Aryawan
Gang Bumi Indah 19 Pamaron.

NGIPI MAKUDUNG LANGIT

Yan ipidan kadén tiang ngipi
jani bakat dahar sisan sedihé
Ujan sing pesan ngetélang lega
di muncuk kayuné layu
dija jani tiang alih.....
Lawat ainé urem
Kapupungan sandi kala
Cara mara bangun semengan
Nyapsapin rasa.

Mekita tiang ngejuk kenyem
di muncuk cungguh nyebeng katos
Tan presida tiang mawali rasa
Wiréh saja tiang ejoh
Betén tanah duwur langit
Encén tiang kutang.....
Encén tiang.....!!!

Tiang sampun merasa
ejoh tekén langit
Nanging tiang merasa

Langit paak tekén tiang
Wiréh tiang mekudung langit
Masandal tanah
Nutug munyin manah.

Tiang sampun merasa
Ejoh tekén langit
Nanging tiang bagia
Makalung manah élah
Sira purun.....!!!
Sira lédang
Tiang tan makeletang

-----suar-----

Singaraja,130803
Pk.09.20.
Made Suweta Aryawan
Gang Bumi Indah 19 Pamaron

AMPEHANG LAWAT BULAN

Pajeg surya ada bulan
Tiang makita bengong
Ngarasa rasayang.....
Munyin tambulilingan
Ngepik bungan sandat
Kenkenang tiang menék
Tiang makampid kapas
Ampehang bungan rasa
Nanging tiang nau
Kesirin angkian semengan
Dija ejang pelihat tiang
Wiréh guminé galang.

Aduh,déwa ratu.....
Kénkénang tiang
Ngepung lawat bulan
Diastu rumasa élah ngemel
Tiang tan palima
Diastu élah nahar
Tiang suba madahar
Kénkénang jani

Encén kutang.....
Encén sayangang
Tiang tegul rasa
Depang tiang kutang

-----suar-----

Singaraja,130803
Pk.09.55.
Made Suweta Aryawan
Gang Bumi Indah 19 Pamaron

SEKARĒ NGENYUDANG RASA

Baang tiang sela
yan sampun sekaré ngumbara ganda
titiang misadia nyanggra nyéwaka
Sampunang malih
sumandangsaya
titiang sampun sayaga
ring dija genah marginé
ngiring pastikayang
mumpung kari wénten galah.

Baang tiang sela
Yan sampun Sang Hyang Ratih
macingak nyundar téja
Titiang sampun sayaga
Nyanggra jenyana
Titiang sampun matimbang rasa
Ngiring puputang
Doaning sampun panemaya
Diastu magaleng jengah
Titiang tan pacang matulak
Wiréh niki subayan titiang
Duk kari masaput garba

Malih titiang nyekenang
Malih pidan wénten pemargi
Doaning sampun pangelong
Sabehé ngapah masa
Nganutin ombakan rasa.

-----suar-----

Singaraja,300903
Pk.23.05.
Made Suweta Aryawan
Gang Bumi Indah 19 Pamaron.

LANGITĒ MASAPUT SAYONG

Yan kari tiang uyang
Tan wénten paksi ngindang
Wireh, anginé baret
Malbal ngempakang liat bandal binal
Tan sida pacang ngengsutang rasa
Diastu tiang tulung-tulung
Tulus tiang melalung
Enyén lakar nyengahang
Aduh,déwa.....

Yan kari tiang ngumbara
Tan wénten anak ngewara
Kija tiang majalan.....
Langité masaput sayong
Aduh, déwa.....
Sinah tiang petengan
Tan wénten sundih ngendih
Enyén tiang alih.....
Guminé suba pedih !!!

Aduh, déwa.....
Dija tiang kampih ???
Dija ambahin mulih ???
Enyén tiang alih ???
Tiang masaput pelih

-----suar-----

Singaraja,300903
Pk.24.00.
Made Suweta Aryawan
Gang Bumi Indah 19 Pamaron.

NGEPUNG LAWAT NYUH BULAN

Nyuh gadingé kembar ilidin tapis
Nundun manah tiang meréngang
Nundén ngindang ngepung liang
sedih tiang,cara icrukuk poléng
nuluh bantang kayu kambang
Ngudiang jail ipunyan rasa
nundén ngepung munyin lutung

Tamengan kéné, aget ada kakupu
masemu guyu ngentungin nau
 buwung tiang jengkang
 pantigang bimbang
 nanging ibungan tunjung
ane apitang pundukan telaga
setata ngésgés keneh tiang
nunden nyekel ngepik
 tur ngulak ngulikang
apang tusing layu padidi
kanti kecong tidakan tiang
tan prasida nyeleb telaga
kalingké ngepuk nyuh bulan

gading galing ilidin tapis
bingung tiang.....!!!
sedih tan sinipi !!!

Déwi ratih.....
Sang Hyang Samara
icén tiang pamargi
ngindang ring ambara rasa
mumpung suryané
kari galang tan pasayong
Inggih pastikayang
titiang sayaga.

-----suar-----

Joanyar,220104
Pk.12.00.
Made Suweta Aryawan
Gang Bumi Indah 19 Pamaron.

SAMPI

Yan alih ditatwa
Sampine ento pelinggihan
Batara siwa
Teguh kukuh ngagem darma
Satia makayang kayang
Tan ada bani maboya.

Jani sasukat matan ainé
Lepug madukan tambug inguh
Makejang kena iusan
Sampiné bungutné dogén putih
Matanné gadang
Kulitné poléng makejang
Turmaning jani suba suud
Ngamah padang

Kénkénang sing madukan
Dong amah amahan gelah
Ento amah makejang
Matanné udep ngengap

Numbrag ngipuh timpal
Engsap kén sesana
Pelinggihan batara siwa

Aduh!,
enyén saduin
gumine madukan
langité gulem
peteng dedet

-----suar -----

Singaraja,100906.
Pk.08.00.
Made Suweta Aryawan
Gang Bumi Indah 19 Pamaron.

NAMPAH GERANG

Yan mabading kesiran anginé
Eda sanget salah tampi
Wiréh jani langité suwung
Tusing ada kenyt bintang
Apa buin énteran bulan

Gulemé sayan tebal
Nanging sing ada ujan
Sukeh ngintip kenytan kenyem
Kerana sing ada sisan liang
Kija majalan nilti damuh
Gumi lan isinné buduh
Tulus tiang sedih aduh aduh
Inguh sat taluh maseduh

Kija tiang majalan.....?!
Encén duluh tiang.....?!
Rurunge sampun capuh !!!
Madukan ring keneh inguh !
Jani suba sirahe makudung lengar

Panes mangentak
Makuah nyerékcék
Pongah ngogah punyan manah.

Kija tiang majalan
Idup tiang luir gerang
Sarang
Maguyang.....!
Nanging matampah.

-----suar-----

Singaraja,180906.
Pk.10.30.
Made Suweta Aryawan
Gang Bumi Indah 19 Pamaron.

BERAG MAJUMU

Kadong suba baang
Ngudiang pejangkutang
Niki semun jagat
sekadi mangkin
Titiang teka sekadi tan ngorta
sawiréh arang wenten
deluwang ngomong
sekadi becica seduk ngoncang.

Yan kadong suba tawang
Ngudiang tusing baang
Nika ajengan mabasa rasa
Jalan gantasang
Yaning saja mawaja saja.

Yan suba kadong nawang
Saja liu sing tawang
Sawiréh sing saja nawang
Liu ada nanging sing ada
Liu sing ada nanging ada
Titiang mabalik bingung
Titiang balikin bingung

Yan saja bingung
Ngudiang bingung
Ngepungin bingung
Jalan tuncegang binguné
di muncuk rasa kayuné saja
apang langité terang galang.

-----suar-----

Singaraja,311002.

Pk.13.15.

Made Suweta Aryawan

Gang Bumi Indah 19 Pamaron.

DAGANG KECAP KECAP

Tumbén tiang iseng
matakon ring ikesiran angin
wénten karya napi mangkin ???
sami épot makta reronték
aken maseselet,
masebeng wanen.

Tiang bingung.....
sané encén sebeng sujati.....?!
sami macangkling saput udeng
rambut,
kumis
pelihat

-----masemir bobab-----

sing ngitung peteng lemah
kauk-kauk ngejot munyi
nganti uwug kupingé
cukcuk muncuk bobab
makejang luwung
enyén ané jelék.....
encén ane jelék

tegarang terangang
suba tiang emed
cara jelati jekjek kuluk
ngantiang damuh
matehteh nganti tengai
encén pesaja.....
enyén nawang saja.....
sing suwud suwud mamerud
-----pongah-----
Nyilapin peluh timpal.

-----suar-----

Singaraja,120304

Pk.16.40.

Made Suweta Aryawan

Gang Bumi Indah 19 Pamaron.

G E B U H

Tuak.....
Lalah,lalah.....
Enyer.....enyer.....tis.....
Kreat,kreot,kreat,kreot.....
Tuak,tuak.....
Tuak nyer.....

Dagang tuak
Mua barak
Pelihat sawat
Masapat peluh nyikut rurung
Makudung keneh bingung
Ngepung lawat suwung

Tuak.....
I dagang tuak ngarerengih
Suarane ngantek papusuh
Bengong nyandah mapayung jengah
Tabang tebeng ulap
Ningalin semut tawah

Barak
Putih
Kuning
Gadang
Makejang magending
Ngaku dadi balian sakti
Nanging buta
Sing nawang lutung puruh
Sing nawang bikas bikul

I dagang tuak bengong kamemegan
Don donané paselambeh
Ampehang angin dingin
Makejang ngaba orta luwung
Makejang ngigel bingar
tur mayah I dagang tuak

I dagang tuak ngetor.....
awakné tumbuh bulu
-----kriting-----
-----sosoh-----
-----lingker-----
Tuakne dadi batu
I semut ngigel ngengap
Wiréh ada ujan pipis
I dagang tuak bengong
Matajuh natakin jagut
Tuak telah

Pipis telah
I dagang tuak
Kitak kituk
Amah jengah
Nyén rungu.....???!
I dagang tuak kusap-kusap
Kantongné ampehang angin
nyén rungu.....!!!
Pameragat.....!!!
-----sing ada apa-----
nyén rungu.....??!.
nyén rungu !!!.

-----suar-----

Singaraja,020404
Pk.18.00.
Made Suweta Aryawan
Gang Bumi Indah 19 Pamaron

TRESNA BALI

Gumin tiang mapagehan pénjor
Mabunga canang sari
Ngudiang sambehin kurma
Tancebin bibit pir
Mula tuak yéh peninggalan tiang
Sing pesan dadi ganti aji brendi
Nasin tiang baas padi mula
Majukut-jukutan kélor
Jaan kinyukan tiang
Maurab sambel matah

Soleh pesan gumi jani
Betaran tiang katurin
Manisan karét
Mula arak sajeng
Sasenangan nyané

Tiang bingung,ngudiang
makejang uyang ngadep tanah
kija kakutang batara seri
.....sedih.....

Nyakit ati para kompiang
Sira ngewirangang
Sami matapel dolar
Méwéh pisan
Prani carik pakelejat
Teteh beton sakit ati
I belauk buung ngindang
Sing sumangiang
dadi capung
Ngiring tudtudang
Tuptupang walinin
.....sikiang.....
.....pastikayang.....
Yan jati tresna ring Bali
Ngiring sampunang ima

.....suar

Surabaya,170610

Pk.08.30.

Made Suweta Aryawan

Gang Bumi Indah 19 Pamaron

IDUPE JENGAH NGINYAH

Dadi kéné panes atiné
Sing pesan ada kesiran liang
Makejang paling mandang minding
Paklejat sat ketekung mapanggang
Uyang panes bara
Bek mabunga inguh
Lilit sedih
Tambug gulem peteng
Kija majalan
Nyén saduin
Jagaté peteng sepi
Ada sisan kenyem
Némpél sing ngisengin
Keweh nuptupang semu nau
Panese mangentak morbor tangkah
Idupe gendingang sedih
Jangih misbis liang
Kanti kéweh ngingetin
Suba campuh maurug sebet
dija tuptupang sisan angkiané
Dekdek benyah dadi banyah

Liangé nginyah manyahnyah
Renyah dadi abu mekipu
Kija laku
Tusing ada rurung pesu
Idupé bungkus matambus
Kebus, kebus.....
Mati nista
Tan pabunga

-----suar-----

Singaraja,110810
Pk.07.30.
Made Suweta Aryawan
Gang Bumi Indah 19 Pamaron

NGEBEKIN PASIH

Ēnteran bulané ento manis
madengokan di selagan carang
kayune gadang
Anginé ngesir milu nedehang
nuluh rasa sepi
enyén ajak nakonang
dija énteran bulané
langité bengong
degeng suung
kadong engsap
kadong inget
engsap ingeté ingetang
apang tusing uyang paling
di kayuné mabunga
ditu negak matembang
nanging eda punyah girang
wiréh sariné miyik bisa
tepu maguyang
ento nundun manah berusah
ngundang langit lengit
nundén sigug mapalu
kanti ngilu ngepung nau

Gulem masemu barak
mabrarakan
ngebekin manah lempah
tusing ada kedusan liang
magarang ilang
yan pasihé putek enyat

-----suar-----

Singaraja,130810

Pk.08.30.

Made Suweta Aryawan

Gang Bumi Indah 19 Pamaron

BEBEK PUTIH JAMBUL

Bébéké putih
jambul matané gadang
ngengap dengak-dengok
wiréh ada bunga miyik
mentik di cunghné
akahné malepah
meliyah cara layah,layah.....

I bébek paling
silap-silap makipu
kanti bulunné bacem
matanné ngundap
kéné engket rasa bali
nyalempoh lantast maguyang
kanti engsap mabulu putih

Matan ainé remrem
masaput gulem selem
sing ngenah rurungé duluh
I bébék neregah abing
jambulné ngengsut aas
makacakan uyak cicing

I bébék sing bani magéék
kampidné uwék
lantas ia bengong
betén kayuné ligir bingung
malalung sing ada
nulung
jambulné rejeng buyung

-----suar-----

Singaraja,2211
Pk.09.55.
Made Suweta Aryawan
Gang Bumi Indah 19 Pamaron

DADONG JAGAL

Carang kayuné ngigel
Ampehang angin
Udang , ading , udang
Udang ading udang
Tengah lemeng
énteran bulan remrem
masaput gulem
suaran cekcek
gumatat gumitit matarung
ngambelang sepi
sepi...
ring tengah suara ening
samar-samar dadong tiang
rauh saking niskala
cekcek masuryak diselagan kayu
sunggar bulun kalung tiang
tanah kebus magejeran
udang ading udang
I dadong teka magambahan
Nyonyoné lambih ngelayung

Cening.....
manusa.....
Ha ha ha,hi hi hi.....
enyén ngerubuh umah dadongé
to....to kayuné ané gedé-gedé
makejang suba pajelimpang
enyag prabot dadongé enyag.....
cucun-cucun dadongé paseleguk ngeling
dadong.....dadong ayunan tiang tastas
payonan tiang ilang, ilang dadong
kebus.....kebus tiang dadong
kebus.....
manusa.....
ha ha ha ha.....
hi.....hi hi hi hi hi !
dadongé jani ngalih ngarubuh alas
lakar kaguling !!!.
pan mandi mati nadak
bangkéné cara guling !!?.

-----suar-----

Singaraja,20805
Pk.09.40.
Made Suweta Aryawan.

ENGSAF

Mara ngénter ainé galang
engsap tekén kawitan
madahar masendok garpu
makuah élah
ulap ningalin anak tiwas
seneb daah duuh
ngacuh macuhcuh
saja sing kuangan buk
nanging ibuk inguh
ngacuh
nau ngawe anak puruh
marasa girang yén anak uyang
dija engkebang
kupingé kepang
sengap ngengap
ningeh
ningalin anak élah
sing inget tekén déwék
singgah punyah
elahé kepung kéweh
kéwehé tutug élah

paling melah da obah
tabah
da matabeh ibah

-----suar-----

Singaraja,300311
Pk.12.15.
Made Suweta Aryawan
Gang Bumi Indah 19 Pamaron.

SUNDIH

Engsap tiang
gulemé selem ento
madugdug migumang sebet
sebet ngapa sebeng
sebeng-sebeng kadén ngeling
ngelingang eling suba
pragat sanja sing ada galang
remrem ngerembanin
majalan malajah ngepung
lawat sawat pegat-pegat
ngambyar ngaba rasa
nembara

Katuju ada bulan lan bintang
maguyang liang nerang galang
liu ada entikan rasa
makenyit nyujuh langit
ejoh pesan langité
apabuin lelangit....
sing ngenah ,
sing sinah.....
ento paling ruruh !

sambil puruh daah duuh
langit-langit kerasa joh.....!
tangkeb gulem lengeh
sing neh-neh
tegarang.....
tegarang!
di galangé majalan
masundih galang
tindakané pang sing kambang
galangé galeng galengang
da marumbang
sekenang lan gibrasang
duluh énteran rasane galang
ento sundih sing andih
yan sing guncih tolah tolih
depang anak mabalih
ento sat maka ilih mulih
jalan gibrasang
sekenang.....!

-----suar-----

Singaraja,160511
Pk.08.00
Made Suweta Aryawan.

GRUBUG AGUNG

Gradag grudug
madugdug
bungut jebug
saling gebug paling
memaling jaja abug
ngadu sigug, begug pagrudug
saling gajug !
guminé grubub
sigug
begug
ngadug adug
blabar agung tsunami
malaib.....
ngungsi
mati !!!!
kija laku???!
gumi bunter
takut mati
kepong pati
galangé ngalengang
idupé peragat mati
matiné peragat mati

matiné bantas bangka
-----sing ada apa-----
-----asah dangsah-----
 lekad malalung
 mati rejeng buyung
sing ada nulung.....!!!
 da ngagen déwék sakti
peragat benyah dadi banyah
-----sing ada apa-----
 Asah !!!!!!!!!!!!!

-----suar-----

Singaraja,180511
Pk.08.00
Made Suweta Aryawan
Gang Bumi Indah 19 Pamaron

BALI BALU

Baliné saja kasub
dura negara kadudut
dot ngentungang rasa
nuluh pundukan carik
menék kar anggon
bareng ngendeh kedis
pancoran pakebior-bior
ngebek.....
ring dusun lan pegunungan
ento imaluan dugas
anak nu kayeh maudeng
para taruni malalung
macimplungan
ka peken sing masenteng
sing ada anak rungu
makejang polos naros
astiti ring widi
nanging...
sasukat matan ainé ngénter
uli kauh ngaba sundar
dolar dinar, gulden

gambar kuluk malalung
nyama baliné ngengap
engsap imaluan
madaar sing mauyah majukut
imput ngindang jengah
rejeng rejeng amah
sumangah
cariké makejang sarang
kapulain cicih
beton pageluluk
batari sri nangis sigsigan
engsek kayun,
wiréh....
nyama bali ngutang sesana
ka pura macanda, maceki, magesah
ngaku saja ngenjit dupa
ngampura.....
ngajak nyama masogsag
nyibak sanggah,
ngedum sema ,
O.....bali balu.

-----suar-----

Singaraja,190411.

KUTANG PEDALEM

Dadi tiang baang ulungan sebet
sangkaning usak ulungan ujané
énteran ainé pecadi
morbor muan tiang
cara sing maraketan rasa
tiang merasa.....?!
saja tiang
gadung kuang tabah
nanging muncuk anginé liang
majanji ring tiang seken
pacang ngejukang buah liang
dija sujatin punyanné
Tiang bingung
kanti tuh kijapané
ngantiang ketélan girang
dija tiang ngantiang
dauh sampun nanceb
tan wénten malih
sisan kedusan semengan
Aduh.....
nyuh gadingé pecadi

nunden ngusud
uber melaibin
kalain ngepung
tiang sebet
sebet.....gati!!!
péléngan kebet-kebet
angkian □ séket.
séket séket !!!

-----suar-----

Denpasar,070905
Pk.16.30.
Made Suweta Aryawan
Gang Bumi Indah 19 Pamaron.

SUWUNG SIMA

Kedis perit, petingan, bondol, sangsiah
bengong ngunjal angkian
ampehang sebeng sedih
mabalih anak mamula beton
I Lindung, I Belatuk, I Kelipes
Katak Dongkang Becing becing
ngeling ngeliling
magaleng sebet
dija umah tiangé
dija tongos nasin tiange
dija.....tiang liang

Bulan makalangan, penyuné mataluh
katak dongkang becing becing
pidan nira kema
dapatang suba beling
jani nira kema
Dapatang anak ngeling
apa pangelingina
umah somah amah maling.

bulan makalangan, toris né malalung
negak ningkang tunggang tunggang
pidan nira ka uma
dapetang padi kuning
jani nira kema
dapetang ebok kuning
apa sih amaha
o, tanah pura kayang abing !.

Ombaké matampesan sedih
ngelutpasisi sepi
langite suwung mangmung
dija bulané sing ngenah uli ibi
ia anak luas
melali ejoh gati
dija bulané.....
langité suwung
kijapané puyung !.

-----suar-----

Singaraja, 060605
Pk.09.30
Made Suweta Aryawan
Gang Bumi Indah 19 Pamaron

GENTONG PUYUNG

Di muncuk ambengan kuning
ada sisan damuh makenyit ening
nanging seming
gading
cara anak melajah edot idup
nuluh liahan rasan gumi
masewaka nempahang raga
apang ada painget pianak cucu.

Ombak ngamuk ngempug pasisi
I omang-omang
I Geramang
paselambéh nyakit ati
umah tiang amah gamang
dija tiang malasti.....
betaran tiang nyakit ati.

Cening.....
nira tanpaguna
melahang sisan duwén leluhur, cening !
elungan kején, singkal

lampit,uga lan samed
simpen jroning ati
anggon satua ring cucu yuyuté

Betara Sri nangis sigsigan
nyingak I Kokokan, I Kerkuak
lemet dibucun tembok beton
kangsel plastik
lelupi sampi rengas
takut tekén bulldoser
Betara Sri sedih.....
kelumpun tiang
mawadah kotak kaca!
dija.....carik tiang
tongos tiang liang.....,
ilang !.

-----suar-----

Singaraja,160805
Pk.07.15.
Made Suweta Aryawan
Gang Bumi Indah 19 Pamaron

PANEMAYA

Yan sampun panemaya
minab tiang ninjo adi
saking jagat sunia
mangkin kari wénten galah
madengokan ring rawos puyung

Majalan kenehé gambelang liang
sing nawang rurung mabalih élah
ditu tiang engsap tekén déwék
derder ai sanja ngantiang surup
Bulané madengokan nyaru
engsap mengkeb digarba rasa
mula saja ada janji satia
neket dimuncuk inguh
nepukin marga ,sing
pastika nyidayang nuluh

Saja tiang tan uning
sira rauh mikukuh jaruh
ngentungang sebeng manis
makayang-kayang tan prasida

ngengsapang antuk lengut pikayun
cara saja satia sutindih tresna bakti
ring sarwa prani .inggih tiang
suksma lascarya benjang ring sunia
loka tiang ngantosang
durusang nyaga tiang tan pakirang
yan sampun panemaya.

-----suar-----

Singaraja,210511.

Pk.10.00.

Made Suweta Aryawan

Gang Bumi Indah 19 Pamaron.



SATUA PUYUNG

Di santal
ada jublag tangkeng
kena meriem
lantas kayeh di embahé
delod cupité nyisi kangin
radén ayu bengong
mabalih anak makalukan

di togogé ada kedis jengkorét mategil
ngemengkrokang
cegeh mabalih pancoran
batisné kedompolan
melincer cotot cempiit
malaib gongsor kakeloncing
nepukin panak katak makecog
ka bangbangé mabunga sekar
selem dingdeng
cengkad cengked ngabut bangkuang
.ngalih pongpongan nyegut apel
bokné sumbrang sambring
guminé gemuh lan ayu galang sasih

kace lan botor donné gembrong
émpok godél
blék cédok lan baki tegena magrégotan
sambil ngomong di gedongé keten-keten.

di tanah barak ada
lubak masemadi betén cengkéhé
sambilanga nyedot cangklong
ngintip puuh betén gebehé
uyak serati sing magigi
ngeling goar-goar
rejeng semut grajag dibatune lempéh
koak koék mablenyukan
mara antuga
lantas ngejingklong ngaba baleman ketampalan
mabalih bintang makenyit kunyit
ada jelema bangal di labaké
ribut memaling kroso
melaib kecelebung nomplik manjangan medasi.

-----suar-----

Singaraja,280611
Pk.11.15.
Made Suweta Aryawan
Gang Bumi Indah 19 Pemaron.

TOPĒNG BANGKA

Apa kakepung
dadi lenged cara
gangsing
kayang cekcek kedék jail
ningalin
koné manusa paling
utama.duweg madih
jelé melah ngudiang
soléh rengas pati
capug ngurut entud
sajaké utama?
melokita.....?
jengkang jengking
ningkling
gelalang geliling.
Beh !
sing suwud suwud
mobab magaleng dosa
lebihan basa sing
masa apa. Apa kejambal
payu mauab ngalgal

**cara manuk das lemah
ngogar jengah.**

-----suar-----

**Singaraja,110611.
Pk.18.00
Made Suweta Aryawan
Gang Bumi Indah 19 Pamaron**

BEDAG POLENG

Engsap inget
beneh suba celenge
tusing nawang kangin kauh
kuluk jaruh bakat ubuh
medogdag mawadah bodag
ngadag-adag pati gabag
jukut komoh sing mabasa
dekdek lidek
sing ada gelek.

Derime puyung
jangih munyinne
nanging munyi dogen
karatan polonne
beneh suba sing nawang
kesiran angin tis
don kayu layu
sing misi bunga
ayunang ilegan bobab
nyahsah benyah
nanging nu jangih

mamunyi mapi saja
mitbit wéda
bedag poléng
cengkléng
sing ada apa
munyi dogén jangih
kecesan kepuakan
ampehang yéh telabah.
égah-égah ngégah
ngogah pongah
sing payu ngamah

-----suar-----

Singaraja,030711.

Pk.18.00.

Made Suweta Aryawan

Gang Bumi Indah 19 Pamaron.

LADING DESA

Ipidan taén tiang nyawénin bunga
sepanan tiang nyiramin
minab akahné panes
donné layu
carangné empak
ampehang angin gunung
ulung ditengah danu
makipu kaput endut
bengong tiang sing pesu keneh
bungané benyah buwug.

tukang pedau
kitak-kituk ngerumuk
ningalin bungané
lenyug kaput endut
minab liu tuara kapi rungu
tekén ibunga
sangkan payu maguyang
kedékin gumi.

jani desané milu bengu
kayang ané nu belingan milu ngadek
betarané disuargan milu bingung
bengong kitak-kituk nekep cungguh.

-----suar-----

Banjar,0509011
Pk.14.00
Made Suweta Aryawan
Gang Bumi Indah 19 Pamaron

IBING CICING

di guminé liu
ada cicing
duweg ngomong
nanging tetep cicing
di swargan cicing medasi
duweg ngomong
nanging tetep cicing
saling kongkong saling segut
kadong kija aba,
aba ketata surya lenan
tetep cicing,
wireh uli lakar suba cicing !!!

cicingé di guminé
cicingé di swargan
patuh belerné kuat ngongkong
sing ngelah lek
tetep masekea ngongkong tekén ngepak
ngamah kuat asal paak amaha
sing ngitungang lalah pakeh
memitra kuat, ames.....

kénkénang jagaté trepti.....
suba baanga ngamah
pemekelné kepaka
aget sing rabiés
cicing,cicing.....
suud ngai kéweh jagat
kayang becing-becing
sedih kingking
kelebutané kipuin cicing
bendungané benyah
telabah.....uma
makejang tuh latuh
ngebuk umahin kulik-kulik
Oooooooooo,Cicing.....
mula kéto pepamétné !!!.

-----suar-----

Singaraja, 1211/ 2409011
Pk.22.30/20.45.
Made Suweta Aryawan
Gang Bumi Indah 19 Pamaron.

DEDALU

Don asemé layu ulung paceruduk
ogar angin bobab mabrarakan
engsap tekén déwék cara enggung
sing bakat baan ngingetin
encén enggung.....
dongkang cenik mabikas
kemak-kemik nguncar mantra
sing madupa sing apa
saja sing apa.....??
mula kéto !!!
angina angen ngangenin
kéné kipekan jagaté
mapi-mapi saja
cara sing taén maguyang
mara ngindang cara layangan
len igelné
matanjek padidi
sing nganggoang kempul
belék bésér
belahan cubék
makejang dadi wala

tuah saja nu tekek
kampid dedaluné
manian yan ada ujan
ditu ngeredged
toltol siap kiap
payu kedék.....??
nyebeng sadina !

-----suar-----

Singaraja,090811
Pk.11.15.
Made Suweta Aryawan
Gang Bumi Indah 19 Pamaron

ENTUD BERUD

Selid sanja bengong
natakin jagut puyung
melaib angine nyukcuk cungguh
dija ada paileh nau
danu tukad
nyat latig
punyan kayune makejang
dadi baberekan basang
engsap teken cucu ngeling
sigsigan sing nepukin sengauk
ngurut entud maboréh sedih
deléngék galang tuun suung
tegal beton,carik koral
ada wala
apang transmigrasi
nyumunin ngabas alan
apang élah nyuang
tongos main golf
berag majumu sing
karoan bucu
bali dadi beli

ulian balu sing mabulu
regang tindakané
maid sakit ati.
nyerunuk ngeluluk
makipu lesu.

-----suar-----

Singaraja,121011
Pk.13.30.
Made Suweta Aryawan
Gang Bumi Indah 19 Pemaron

TANGKEB ONGKEB

Yan putek yéh pasihé
langité selem
mula cirri beli sedih
nyakit ati
dija adi
mengkeb sing ada
énteran bulan
paling beli ngalih
galang
keneh adi
yéh matané ngetél
ngebek jagat
meliah ngalih
tresnan adi
adeké sisan ketéklan
tresna beli nyantos
sampé mati
yan magojaran kayuné
entungang bungan tresnané
apang miyik déwék beli
makelo beli ongkeb

sing ada kesiran liang
ingetang adi
kadong nu ada sisan
angkian mentik
makeliah galang
di muncuk keneh beli.

-----suar-----

Singaraja,161011
Pk.15.30.
Made Suweta Aryawan
Gang Bumi Indah 19 Pamaron.

IDUPĒ SING MABUNGA

Yan putek yéh segarané
Aduk rasa sakit ati
Tiang ditu bengong sedih
Nganyud yéh mata
Madayung jengah
Tangkad pakang
Milu ngoncang
Ngaduk keneh

dija engsutang sebet atiné
langité gulem remrem
sanghyang surya makolem
tampesin ombak sedih
Ngusud bias pesisir
I eramang merengang
ngeramang sawang
matembang bimbang
sing ada kesiran angin
madingang rasa sebet
Maruket caket

dija gelantingang kéwehé
carang kayuné makejang renyah
 donné rgéés
 muncukné késkés
 layu.....
sing sida mabunga miyik
peragat dadi luu ampehang jengah
 minab mula petékan idup
 sing taén lantur
ngelantur lanturang duka
 nyén kaukin
 nyén ajak
peragat nyebak
nyutsutin andih,
 sedih.....!!!
payu layu kapér jengah.

-----suar-----

Singaraja,270811
Pk.24.45.
Made Suweta Aryawan
Gang Bumi Indah 19 Pamaron.

KUNANG KUNANG KEPUPUNGAN

Kunang-kunangé
kuneng-kunengan
kunting-kunting
beregah matarung
kepupungan makidung
makejitan makenyitan
Ilidin ambung bingung
engsap kén déwék kiap
mai numadi ajak agumi
pakenyitnyit peragat mati
kenehé agumi
bayuné ajumput imput
ngonang nyundarang andih
sundih sungsang sungsung
ngegah negen bregah
nampag matarung sasih
kunang-kunang
da ngonang kepupungan
da regang makejit ngincang
kampidé dekil
cenik tepu

payu lesu
diambung nyingkrung
rejeng ketekung buyung

-----suar-----

Singaraja,271111
Pk.15.00.
Made Suweta Aryawan
Gang Bumi Indah 19 Pamaron.

SANGKET BUNGA

Anginé ngesir ngampehang bunga
gojar-gojar ngejuk sisan suung
makeliah galang ngentungang ambu
malaib nyeluksuk kesunia rasa
bengong tiang
nuptupang bayu
masogsag saling kejitin
gulemé magarang
ngangkebin énteran surya
kanti engsap ngetélang ujan
ngetisin jagat sayah
tiang bengong patigadab
bingungang kesiuhan miyik
dija alih tiang
munduk jimbar nanging aking
payu buung maboréh liang
sawiréh palohé likad
sing sida ngepik muncuk biu
cara saru cara saja
gununge tempuh angin
ngelinus....

Nyujuh langit
tiang bengong
sat togog lolohin
ngantiang sisan ambu
ané sadia ngadab rasa.

-----suar-----

Singaraja,060208
Pk.11.10.
Made Suweta Aryawan
Gang Bumi Indah 19 Pamaron.

BOGBOG AJUM

Jadmané merasa duweg
lebih ngejot
ané daar makuah jengah
saling singguk
sat payuk ngeluluk

ngejot ngider buana
madupa baleman kasiapa
sing ada apa-apa
makejang ngaku bisa
danggul dangal
apang ngenah satia
makudung rasa
tan pabasa
bisa mabasa basé
baséné basaina

matungked rasa
kadong nu biasa
jalan pempahang
kayun parikosa
priksa ngaksama

-----suar-----

Singaraja,1342009

Pk.11.00.

Made Suweta Aryawan

Gang Bumi Indah 19 Pamaron.

KACANG LINDUNG

Antuk lulut titiang
lali titiang metek kiap
nau angonang nau
santukan tan uning nau
iwang brangti daga digi
mesugi kisi-kisi
dija kayune lasia
nungguin entikan rasa
melepah magisangan kapah
tan bina kenehné I punyah
tan pati ngeh
nyén apang lengeh
masegeh nganggoang keneh
sangkan mabalik mulih
inget ring kawitan
peteng ring ambarané
dekdek lidek putek
mabekel mata ngundap
tan presida pacang mungguh lendah
kadi ngintuk basa belus
paseradab ngaku saja

masatia,maboya
apang suud
nyemak gaé boya-boya
ngempug tingkih aji badik
dengkak dengkik cegak cegik
grakgak grikgik
kanti engsap tekén iba
ngelanting makanti canting
ngerinting duur piring
tunggang tungging gangsing.

-----suar-----

Singaraja,1342009.

Pk.10.40.

Made Suweta Aryawan
Gang Bumi Indah 19 Pamaron.

JUKUT BALUNG

Payuk jambangan ngerodok
makupuk andus ngelinus
ada lelasan makecog
pegat ikutné ngelejat
gelalak geluluk ngamuk
I lelasan malaib
sing maikut
buntut !!!

Rengas ngengkebin macan
macontreng poléng
batis kebus ngecigcag
ngeragas keneh rengas
engsap kayeh melalung
ban mula sing makamen
samah kipekanné paling
encén tuanang
encén kutang
makejang tulang
kucit mula ngamah dagdag
peranda ngerayunang napi ???
sang cangak sukak

Ngamah ames
tulang ngandang gelekang
peluh toris silapina
apang ngenah élah
diastu andih
alih mailih pelih

-----suar-----

Singaraja,1342009
Pk.11.15.
Made Suweta Aryawan
Gang Bumi Indah 19 Pamaron.

ENGGUNG MAKALUNG BINGUNG

Minab guminé suba madukan
liu dot madaar ulian élah
tusing peluh ngelah pipis
ulian bareng maseka bobab
ngadep munyi ngedum bati
ngahgah buntilan pisaga
maserana kuah pongah
ngerudug girang magarang
ngaku lakar dadi wakil rakyat
mapengarah peteng lemah
nyambehang jatah ngadep gelah

Anak lingsir magingsir
edot élah tusing lémpah
ngagen maan upah élah
mekasa kisi saling gisi
uli dasar suba bobab

di élahné cara kacang menyahnyah
sing anut ken bungut
dugas mapengarah melisah

engsap kén palekadan
tekén kawitan
tekén padang
tekén alas

wiréh suba mapayas
sat sampi gerumbungan
ada masi pati kacuh mamisuh
masang jarring kepak lubak
pipis telah bayu lempah
jarring tastas kedas
bengong ngurut entud
magending nuluh rurung
keraung-keraung
nyalung melalung
sing ngitung ramé suung
enyén nulung tendas berung
makejang puyung

Serayang seruyung rebut buyung
I déwék tetep maguyang késkés
mapupur aon kebus
enyén saduin tendasé puyung
serayang seruyung
munyin enggung

matangkeb gentong perungpung
munyi laus gentong puyung

-----suar-----

sgr,
1442009,pk.08.45.

LAWAR MUNYI

Jani guminé mabading
keneh manusané cara kekomoh
leget putek nyangket
tusing masasangi
mayah munyi
cerik-ceriké lebihan meli munyi
pules magaleng munyi
majalan mapaid munyi
pemangku
pedanda
apa buin tukang paling
égar manah panjakang munyi
ngudiang jani munyiné maal.....?
makejang melantaran munyi
madagang mabelanja madasar munyi
matimpal
mamitra
memaling
korupsi
nunas ica
munyi meragatang

sangkal munyiné maal
ulian munyi makejang paak
ulian munyi sing ada paak
jalan dabdabang apikin mamunyi
da nau congah peréntah munyi
munyin kéker munyin bekisar
munyin entut
sanget maal
di rumah sakit.

-----suar-----

Singaraja,21032009
Pk.08.30.
Made Suweta Aryawan
Gang Bumi Indah 19 Pamaron.

TOPENG KEPUPUNGAN

Langit pelung melalung
gulem selem nyilem
ngeligas kedas
angin leplep pules
punyan kayu layu
nyegir ligir.

Bibih gidih
topéng tugék ngerékék
serara-serére mocé
kauk-kauk celuluk
maseman kén cempaluk
ngaku sadu sing mabaju
bes ngagu...!!!

Degag pati gabag
mata buta liunan peta
ngorta cara saja
peragat sing mabasa
mara lekad ngaat ngindang
kampid tan pabulu

ngagen bapa macan
mabulu poléng
nanging macaling kertas
nganggar belakas karatan
nyapa kadi aku
ban merasa nu macaling
aut ané sing anut

Entung kagungung
apang bengong bingung
nah antos jebos
poléng kulité kal kékés
andih bengil ngecemin.

-----suar-----

Singaraja,090212
Pk.16.50/24.10.
Made Suweta Aryawan
Gang Bumi Indah 19 Pamaron

KACUT TENGULUN

Dugas nu taluh
ngedékol melalung
di dondonan ampeh angin
ujan kebusan masaput abu
di bagiané donkayuné sing ada ngempak
lasia lekad melalung
sing mabulu
kelejat-kelejat dadi ketekung
melalung sing ada nulung
nutug kelih makaput
dadi kacut
ikedis paling pati sabsab
dija iketekung.....?!
suba tutug beberatan
sumangiang wayah
lekad dadi kekupu
paling ngalih amah
awak sing ngelah ijazah
kampid kepah peliat samah
uli joh ada angin galang
makebiak nganteg ke bucun gunung

di langité ada tulisan
“ KAFE REMANG REMANG “
ikekupu kema macelep
liu ditu ada gamang
cunguhne poléng,matané rangréng
bibih barak mata galak
negak saling jemak
kedék ngakak mauyak
teka anak ngaba dampak mata barak
ngapak-ngapak saling tinjak
saling sibak getih andih abrarak
lantas melaib pati trejak
ikekupu ngelur gelut takut
ikutné kancut natakin jagut.

-----suar-----

Singaraja,040312.

Pk.17.35.

Made Suweta Aryawan
Gang Bumi Indah 19 Pamaron

BIKUL

Bikul mabulu aon
ikut lantang mata cedang
makecog manongklang
mongpong lambang
ada bikul madasi lantang
mongpong bank maid kodang
majalan makejit ngincang
paceruit saling jimpit
ngai gook di bangkok
ngaé sebun nganteg ke swis
iméong kilang kileng sing
nawang rurung
ninjo bikul menék jét
iméong ngerengkeng
ngujang awak seduk
ngepung bikul lantasi
ngejengit milu ngésgés sokasi
iméong ngamah nganti punyah
gasgas gésgés ngelingus medem
ibikul kedék renyah ngigel
ngamah arburgel

gendang gending ngenot iméong lengeh
nasi telah baas kedas
kelumpu benyah lengar ngahngah
ibikul medem di gookné
mabekel lebheng matah
imeong ngerok medem
buung ngejuk bikul
calingné aas
kukunné podol
kulit késkés rabiés
ngundap
igelin dangap dangap

-----suar-----

Singaraja,010312
Pk.08.00
Made Suweta Aryawan
Gang Bumi Indah 19 Pamaron

PEPENGKAH MOTAH NGAMAH

Serara-seréré enteg sebeng
kadén saja cara pemesunné
peliatné sawat kenehné
nasi abungkus
tekén amplop
rajin semengan teka
nyén medaya kekéto malah
seken bakat gugu
tudang tuding masebeng saja
“nébongkar apang linggah”
“Nang adéng malu tondén ngelah modal”
buin majalan nyangkling lima ikacung
nutug minab seken
utun jemet ngelemet
ujan seréak seréok sing
nyantep anginé
madayung ngogar keneh
apang élah masuir
sai-sai teka ngaba orta jukut
kangkung masem nu
luung wadahné melah

melakar selaka jani
liu ada unduk
soleh mara kepus pungsed nyalon
bendesa memodal pongah
apa sing peragat
makejang dadi proyék
tulus idéwék dadi barén
pengumpan carang gesing tepu ané
dueg ngigel
makejang igelanga kayang
sisan semén
mungah dadi kantah
nyén motah
pepengkah ngamah
betén umah

-----suar-----

Singaraja,130312
Pk.11.00.
Made Suweta Aryawan
Gang Bumi Indah 19 Pamaron

NGEPUNG NAU

Sing tawang ada rurung runka
sing tawang ada alas wayah
sing tawang ada gunung
sing tawang ada samudra
sing tawang ada langit
sing tawang tawang.....!!!
Tawang sing tawang
kadén ombak kadén angin
kadén galak kaden dingin
encén jemak encén pelaibin
encén jemak encén kakebin
Ujané ngejohang
langité galang
kenehé bimbang
bayuné kambang
munyiné ngumbang
nanging ada puser jagat
melisah mauseh
ngejengit giseh-giseh
ngelejat ngedat
ngelejat ngaat ngelejat

ngidem ngelejat ngedat
ngelejat ngelejat nyat.....!!!.
langité peteng guminé sepi
bayuné mangmung
dija alih sisan nauné
suba pelaibang kebiakan tatit

-----suar-----

Singaraja,2007/180312
Pk.15.00.
Made Suweta Aryawan
Gang Bumi Indah 19 Pamaron

BOJOG UJANAN

I sempol tedah tedoh
ngetél yéh matanné
sigsigan néngklok
wiréh ningeh orta
ada ujan angin takut
gati ikutne régés
tusing sida kotal kutil
wiréh enu dot girang
ngigelang topéng inguh
sing dadi pules
Batis diluanan magaleng inguh
kanti matehteh ngangseg
ngejer nyakupang lima
apang kalingganan pinunasé
sreda bakti ngilgilang
makalung bingung
sat bojog sasih kaulu.

-----suar-----

Singaraja, 120708.

Pk.17.00.

Made Suweta Aryawan

Gang Bumi Indah 19 Pamaron.

KEMARUK

Gusti ayu bengong natakin jagut
sing makijaban
nongosin jaring orod
ngagen ngantiang pasih aad
pacang niltil sekancan bé
Gusti Ayu mula ames
kayang sawan yéh masaup
apa buin ngantiang surup surya
peliat bawak tindakan kejoj
sing nawang tegeh éndép
jeg makecog

sing ngitung jelé melah
makejang élah
pati sagrep pati sagrep.....!
Cara bangkung ngeléb
makejang maempok kecaplok
diastu katimpug munyi leteh
malah ngadug-adug
pati caplug mokplok
bangkungé.....

Gusti Ayu, Gusti Ayu.....
dadi cara méong bongol
sing noli ke samping

-----suar-----

Singaraja, 020808
Pk.06.30
Made Suweta Aryawan
Gang Bumi Indah 19 Pamaron.

NGOCĒK PITIK DOGLAGAN

Ibaglér ngocék siap
Metaji jukut arés
talin tajiné plastik ban ngeléak
pakembaré soroh buta kala mata gadang
bungutné guak guék
munyi sing karoan cekak
siapé metaji klingas-klingus
kiak-kiak ngecigcag
paling pati grépé wiréh
nu teles menyonyo

yén né sing ada ngetohin
payu cawet kola kelés
kola melalung rebut buyung
ikoncreng gereng –gereng
tanggung ténggégng
ngésgés jit koréng
makejang pati kacuh bujuh
ngigelin nunggingin jit
ijablah ngégah ngewalék kedék
“ amah sing mebasa “

ipidan mekejang orod
kayang becing-becing saip tingting
jani kanggoang di goané nungging
sing masaput krejang krejing
megaleng lengar metikeh titih
ibaglér mateteh ng□élél
pati gadab inget ken dasi
bibih bujuh metajuh
sing ngidaang mesuir.

-----suar-----

Singaraja,300312

Pk.06.20.

Made Suweta Aryawan

Gang Bumi Indah 19 Pamaron.

NUNAS ICA

Yan pang sing ngenah késkés
angkebin sebeng katos
beten kayu bobab membon
negakin akah renyah
metatakan batun dacin
makebat dolar lan rupiah
Tegakané pang nyalig
Sapsapin ban pipis
kursi bupati miliaran rupiah
Kepala dinas satak séket juta
apang mulus telung atus juta
kepala sekolah karobelah juta
kacung kantor duang dasa juta
tukang sampat dasa juta
Sekpri jegég gratis
baanga ngerayangin
cicing borosan

ngesges sabilang tanggal satu
Buin pidan maju
setata maboréh dosa
saling dengokin

ngintipin proyék
rakyaté.....
jro gedé masaput poléng
maan ayaban sing madupa
I lutung puruh.....?!
maideh nyakupang lima
ngocék siap sing metegil
pilih icang, pilih....!!! tohin.....!!!
ngelanturang pembangunan
apa sing ada bungut
cicing dogén ramé
mecakal bobab

nah.....!
Kadong nu mecaling selegang
mecakal suba antianga di neraka
tekén batara yama lan sang suratma.

-----suar-----

Singaraja,070412
Pk.10.52.
Made Suweta Aryawan

LAYU MEKIPU

Semuné sing mebasa
kaden didian ongkeb
mejalan mailih pelih
ngecigcag tindakané
melaib regang
pesu peluh daah duuh

Kaja-kaja luas kegunung
wantah saja tiang bingung
lawat kakelik nginding ngumandang
ento kepung ngalih etis
kanti labuh nyemplung jengakang
keneh buut kaput endut
ngutang liang ngepung bingung
engsap kén ipian
enggale layu mekipu
kelés payu kepuk katékné
kambang ngulayang murang murang

Kedis kedish ngarerengih
ngendingang sedih

tresna ya medalem
nanging pelih bakat tindih
ngentap pasih medayung pelih
peteng dingdeng sing masundih
payu andih !!!

nyen tindih????

Bungané suba layu makipu
makejang ngadab mangempok
kanti nyongkok cook-cook.
liat ngundap keneh sawat
petengé énggal nyagjagin.

-----suar-----

Singaraja,110412

Pk.11.00.

Made Suweta Aryawan

Gang Bumi Indah 19 Pamaron

BAKTI SUJATI

Andus dupané ngigel
ngungsi ambara
ngeberang ambu merik
nundun manah liang
galang apadang

Suaran cekcek macingklak
maka saksi subakti
ngatehang manah tulus sujati
ring hyang widi olas asih
makenyit galang
dupa suksmané
madipe idepé galang
tan wénten sané tungkasin
margi mulus tanpaceda

Yan sampun jangkep panemaya
tan dados tolah tolih
mamargi matungked galang
mapayung puyung sugih
madayung suaran tuu-tuu

jimbar kayuné
ngambiar nauné.

-----suar-----

Singaraja,230512
Pk.08.00
Made Suweta Aryawan
Gang Bumi Indah 19 Pamaron

DEGAG DAGDAG

Ada bulan pajeg surya
nanging sing ngénter
anginé jail ngogar keneh
nundén ngalih énteran bulan

Suba sanja gidaté nu kebus
suryané suba mengkeb
uli dija kadén tekan kebusé
kanti terus paling membon
di kayuné ligir
sinah ngipek paling
batis masandal kéweh
kéweh ngalih sandal élah
wiréh sing nganggon sikut élah

Suba surup surya
nu kering engkeb
saling kepung memeteng
duin kétkét bakat uyak
kadén kasur mentul gadab
dewéké anggon bebarén

nindihin keneh bengeh
bes degag!!!
kanggoang nyegagag
dadi dagdag mawadah bodag
kija malaib numbrag.....!!!
Peragat mauyag
dadi tain céléng berag !!!.

-----suar-----

Singaraja,120912
Pk.09.50.é
Made Suweta Aryawan
Gang Bumi Indah 19 Pamaron

MEGARANG NEGARANG CUNGKIK

Yan peték ketugan kenehé
liu ada ketélan peluh
matatakan sing misi akah
benyah marabuk puradah
kéweh ngalih tirta amerta
wiréh mekejang putek

Ada yéh ngetél mawarna
barak
kuning
gadang
pelung
putih
nanging mekejang suba putek
andih

Encén pilihin
mekejang cara kekomoh
andih alib

diastu bedak dadiang atiné
tagelang layahé
apang sing tuh kolongané

Ijelati asal maan belus kanggo
nanging lacur
yéh cerobcoba
sangkan pakelejat
wiréh idup dadi kintah
buin pidan meséh kijapané.....?!
Wireh

mara endag ainé suba kebus
sangkal mekejang layu
puruh,buduh
inguh amah tungu lengar.

-----suar-----

Singaraja,02032009.
Pk.22.00
Made Suweta Aryawan
Gang Bumi Indah 19 Pemaron.

DA PERĒNTAH RASA

Yan rasayang idupé
sing nau idup
yan mati sing nawang rasan idup
wiréh idupé ulian rasa
idupé rasaang idup mati
wireh matiné ngilangang rasa
yan melahang ngenehang mati
idupé tuah dirasa
yan ada ané mati
dija idupné.....?
Yan ada ané idup
dija matinné
tongos mati idupé abesik
dija matiné
ditu idupé
dija idupé
ditu matiné
kija kakepung idupé kija
kija kepelaibin matiné
dini mati
ditu idup

ditu mati
dini idup
rasa angkarané ngadanin
peteng lemah
kaja kelod
kangin kauh
jelé melah
beneh pelih
ento makejang
apang élah ngingetin
jani ento upacara, upakara
gebugang angklung
kénkénang sing kéwéh
rasané da rasaanga da.....
da kepunga da pelaibina
wiréh wadah rasa tongosné abesik
seduk.....madaar !
kiappules !.

-----suar-----

Singaraja, 020309

Pk.09.55.

Made Suweta Aryawan

Gang Bumi Indah 19 Pamaron.

TRESNANĒ MABUNGA MATI

Kesiran anginé sanja
ngejot liang
yan dija kadén tiang
ngutang sebet
sebet irasa ngerasaang liang
ento makejang suba liwat

Jani enu ada sisan nau
ngengsut dimuncuk gulemé kauh
kadengokin kenyem matan ai barak
Gegaok tiang
bengong tiang !
inget tekén déwék
cara kapu-kapu diarungan
kija pajalan tiang
dija tiang bengong
dija liang tiang
segarané tan patepi
bidaké ampehang sayong
tambug durjana
dija tiang liang

pules magaleng ombak
masaput kesiran angin
kubu maraab langit
madingding sedih
madaar majukut
kuah yéh mata

Adi.....
liangang sedihé
idupé sakit ati
tresnané mabunga mati.

-----suar-----

Singaraja,250805
Pk.23.40/01.00
Made Suweta Aryawan
Gang Bumi Indah 19 Pamaron.

LENGAR TEBEK DUI

Sing merasa kén sirah lengar
kebus ujan sing macapil
nuluh alas nuncap abing
makecog batis kejokan
ngelanting ampehang angin

Selid sanja magending
sambil mememan ngalih nau
sagét ada belabar
blabar.....blabar !
ngrépak bangun melalung
pati capug ngalih alingan
sing anut tekén munyiné
krabak-krubuk sat beruk silemang
ngepil batan ambungé
ada lelasan macanda rengas
milu rengas mancogan

Aduh.....!
ada duin kétkét atub
kusap-kusap,usap-usap

ngengap sing ada apa
sing karoan tindakan
inceg tanpa dasar
pati antep
buin mancogan
nyerékcék maliah
lengar tebek dui

-----suar-----

Singaraja,220706
Pk.0.8.00 wt
Made Suweta Aryawan
Gang Bumi Indah 19 Pamaron

CICING CARU

Cicing belang bungkem
cicing belang,bungkem
cicing belang
cicing bungkem
cicing cicing belang
cicing cicing bungkem
cicing.....!
dadi cicing cicing, cicing!
dadi cicing,cicing?
cicing cicing cicing.....!
cicing.....?
cicing.....!
dadi cicing belang
dadi cicing bungkem
dadi cicing cegut cicing
dadi cicing ngepung cicing
ngepung cicing belang
ngepung cicing,bungkem
belang,belang bungkem,
bungkem.....!
liu cicing belang

liu cicing bungkem
cicing belang liu bungkem
cicing bungkem liu belang
liu cicing caru nyaru
liu nyaru nyaru cicing
liu cicing nyaru nyaru
wiréh cicing caru ngamah caru
caru cicing amah cicing
cicing caru amah cicing
cicing seduk !
seduk cicing ?
cicing seduk cicing cicing ?
cicing,seduk cicing cicing !
cicing lengeh!
Tendas pelaibang.....
ooooooooo.....
anak mula kéto.

-----suar-----

Singaraja,25-2-2005
Made Suweta Aryawan
Gang Bumi Indah 19 Pamaron.
Keker Kota

GUMINE SEPI

Punyan kayué bengong
nanging ada sisan damuñ
di muncuk padang kawaté
nyambangin liang I Kékér
cékér-cékér di tengah krangkéngé
engsap tekén I alas ané ngupa jiwa
engsap lekad di tengah alas
engsap mabanjaran ngajak klesih
oncrét, muah prani lénan
jani I Kékér liang galang
selid sanja ada ngayahin
ngelah parekan lan panyeroan
anteng ngayah maang ngamah
kuting tai ada ngitungang

Katuju lakar matarung munyi
ibuk uyang di guungan
inget tekén braya di alas
nanging takut majalan padidi
wiréh alas joh tekén kota
di jalan cicing liu macakal

ngaba penyakit, rabies flu burung
I Kékér sumandang saya !
dingin masaput ibuk
ngrungkugang sing seleg ngamah
janggar lépék
munyi seret.

-----suar-----

Singaraja, 2 Maret 2007.
Pk.09.00 wt
Made Suweta ryawan
Gang Bumi Indah 19 Pamaron

JANGKRIK DOPLANG

I baglér kalah metajén
bengong bingung
ngetohang pipis desa
siap kalah pipis telah
soma punyah ngumik
bibih meluah.
masem.....masem!
makejang makelieng
pakembaré ngejengit
sat bojog ngamah kunyit
mapi-mapi bongol
kantong suba nyéndol
jani I Baglér dosain désa
désané ngedig kulkul
mapanggul jaksa
I Baglér galak mata barak.
ipidan cang nelahang
pipis to nak pis cang
ulian upah penyarikan.
ngujang jani ngomong

pidan naé dugas cang nu gayah.
cicing ané
ané baang ngamah nyegut !
to sajan cicing buta
ngulah betek gén!
-----awak beler dadi penyarikan-----
-----jani kanggoang dadi jangkrik-----
-----DOPLANG.....!
ngering digowoké.

-----suar-----

Singaraja,011112
Pk.21.00
Made Suweta Aryawan
Gang Bumi Indah 19 Pamaron

INDIK PANGRIPTA



Drs. Madé Suwéta Aryawan, embas ring Banjar Santal, Désa lan Kecamatan Banjar, Kabupatén Buléléng warsa 50-an. Masekolah Rendah (SR/SD) ring Poh Asem Desa Mayong, makisid ke Banjar warsa 1965 puput warsa 1966. Ngelanturang ring SMPN Banjar puput warsa 1969. Ring PGAHN Singaraja puput warsa 1972. Ring SPGN Singaraja puput 1975. Selanturné, kuliah ring FKG Unud Singaraja puput Sarjana Muda warsa 1979. Sarjana (S1) ring FKIP Unud Singaraja puput warsa 1984.

Makudang-kudang gegaén taén kelaksanain minakadi: dados kuli bangunan ring CV Murti warsa 1971 rauh warsa 1972. Dados GTT ring SMEPN (mangkin SMPN 3) Singaraja warsa 1973 rauh 1977. Dados GTT ring SMP TP 45 Bondalem warsa 1977 rauh warsa 1979. Dados Penyiur ring RKPd warsa 1973 rauh warsa 1977. Dados Kepala Lingkungan ring Kaliuntu warsa 1973 rauh warsa 1975. Dados anggota Hansip (saking anggota rauh Kasatgas) warsa 1973 rauh warsa 1987. Dados babu, tukang umbah perabot ring Mess Kwilhan Nusra nyarengin Bapak Kadjeng saking Banjar Tegeha warsa 1972 rauh warsa 1973. Dados petanja/pengasong koran *Suluh Marhaen*

(mungkin koran *Bali Post*) warsa 1971 rauh warsa 1972. Dados tukang kebun ring Sekretariat PNI Cabang Buleleng warsa 1970 rauh warsa 1971.

Dados guru tetep ring SD 5 Bondalem saking warsa 1977 rauh warsa 1984. Ring SD 2 Jinengdalem warsa 1964 rauh warsa 1987. Ring SGON Singaraja warsa 1987 rauh warsa 1990, warsa 1993 rauh mungkin. Ngewangun lan dados pangorég KSM (Kelompok Swadaya Masyarakat) ring widang maubuan (Peternakan) ring Banjar Santal lan Desa Joanyar ngawit warsa 1999 rauh mungkin. Ngewangun yayasan "YAYASAN DARKAM " (DARKAM = Dari Aktifitas Rakyat Kesejahteraan Akan Muncul) madasar antuk Catur Purusa Arta. Inggih punika Darma Arta Kama Moksa, mautsaha ring widang sosial warsa 2004.

Reriptan sané marupa puisi, satua bawak, (basa Bali lan Indonesia) naanin kamedalang ring mingguan Simponi, *Mingguan Nusa Tenggara* (mungkin koran *Nusa Bali*) *Bali Post*, *Wiyata Mandala*. Geguritan taler naanin kamedalang ring *Mingguan Nusa Tenggara*.

Pangripta taler naanin sareng macentok ngeripta puisi basa Bali tingkat Provinsi sané kawéntenang olih Balai Bahasa Denpasar warsa 1989 polih juara II. Puisi punika mamurda "Galang Kangin". Taler naanin macentok tingkat Kabupatén sané kawéntenang olih RRI Singaraja warsa 2001, polih juara I puisi sané mamurda "Saput Udeng", lan juara II puisi sané ma-

murda "Kadén Saja". Macentok ngeripta puisi bahasa Indonesia se-Bali oleh STKIP Singaraja warsa 1997, polih juara harapan I puisi Mamurda "Gelegar Bongkah Kenangan".

Pangripta daweg nongos ring Singaraja nénten naanin ngontrak umah, nanging madunungan ring sekretariat PNI Marhaenisme ring jalan Dewi Sartika 39 ngawit warsa 1971 rauh warsa 1986. Ngawit tanggal 21 Februari 1987 rauh mangkin jumenek linggih ring Gang Bumi Indah 19 Pamaron.



13-0075

PERPUSTAKAAN
BADAN BAHASA
KEMENTERIAN PENDIDIKAN NASIONAL